

## **Pasaka aple vuora è mosè bluogiokè**

Kèta karta gīvena mosè bluogiokè è vuors. Vèina graži rītmeti vuors pradiejè nertè sava tinkla. Atsikielè anuo sosiedè mosè. Ana somèslējè paerzintè vuora è soardītè tinkla. Atliekè è saka:

– Sveiks, vuorè. A galio pakuolītè tava tinkla?

– Kuolīk drosē!

– Tava tinklos dèdle bjauros, – sošoka mosè è noskrèda atsèneštè lapu.

Atsènešè lapu è sometè anus i vuoratinkli. Vuors dèdlē sopīka. Kèta dèina viel tas pats. È dar kèta dèina... Vuors somèslējè èšsèaiškintè, diekuo ana tēp dara. Mosè paaīškèna diekuo:

– Vuorè, aš eso bluogiokè, dieltuo tēp dèrbau è dèrbsio.

Nu tuo laika vuors paskelbè mosè kara. Ner tinklus è gauda vèsas bluogiokès mosès èš eilies.